

四庫全書

子部

# 欽定四庫全書

子部

御纂醫宗金鑑卷八十

詳校官太醫院醫士臣程泰

編修臣倉聖脈覆勘

總校官中書

臣朱

鈐

校對官中書

臣李

奎

謄錄監生

臣梁

徵

繪圖監生

臣戴

禹汲

欽定四庫全書

御纂醫宗金鑑卷八十

編輯刺灸心法要訣目錄

仰人諸經起止全圖

俯人諸經起止全圖

仰人骨度部位圖

俯人骨度部位圖

周身名位骨度

仰人骨度尺寸圖

俯人骨度尺寸圖

骨度尺寸

前頭面頸穴總圖

前頭面頸諸穴行列

胸腹穴總圖

胸腹諸穴行列

後頭項穴總圖

後頭項諸穴行列

背穴總圖

背穴行列

側頭面頸肩穴總圖

側頭面頸肩諸穴行列

側腋脇肋穴總圖

側腋脇肋諸穴行列

手三陰經總穴圖

手三陰經總穴名

手三陽經總穴圖

手三陽經總穴名

足三陰經總穴圖

足三陰經總穴名

足三陽經總穴圖

足三陽經總穴名


御纂醫宗金鑑卷八十目錄

欽定四庫全書


御纂醫宗金鑑卷八十

編輯刺灸心法要訣

仰人諸經起止全圖




# 俯人諸經起止全圖






# 正面骨度部位圖



# 背面部骨度部位圖



周身名位骨度

頭

註頭者人之首也凡物獨出之首皆名曰頭

腦

註腦者頭骨之髓也俗名腦子

顛

註顛者頭頂也顛頂之骨俗名天靈蓋

囟

註 凶者顛前之頭骨也小兒初生未闔名曰凶門已  
闔名曰凶骨即天靈蓋後合之骨

面

註 凡前曰面凡後曰背居頭之前故曰面也

顏

註 顏者眉目間名也

額顙

註 額前髮際之下兩眉之上名曰額一曰額者亦額

之謂也

頭角

註額兩旁稜處之骨也

鬚骨

註即兩太陽之骨也

目

註目者司視之竅也

目胞

註 目胞者一名目窠一名目累即上下兩目外衛之胞也

目網

註 目網者即上下目胞之兩脣邊又名曰睫司目之開闔也

目內眥

註 目內眥者乃近鼻之內眼角以其大而圓故又名大眥也

目外眥

註目外眥者乃近鬢前之眼角也以其小而尖故稱

目銳眥也

目珠

註目珠者目睛之俗名也

目系

註目系者目睛入腦之系也

目眶骨

註目眶者目窠四圍之骨也上曰眉棱骨下即頰骨  
頰骨之外即顴骨

頰

註目下之眶骨顴骨內下連上牙床者也

頰

註頰者鼻梁即山根也

鼻

註鼻者司鼻之竅也兩孔之界骨名曰鼻柱下至鼻



之盡處名曰準頭

頤

註頤者頤內鼻間近生門牙之骨也

顴

註顴者面兩旁之高起大骨也

頤

註頤者俗呼為腮口旁頤前肉之空軟處也

耳

註耳者司聽之竅也

蔽

註蔽者耳門也

耳郭

註耳郭者耳輪也

頰

註頰耳前顴側面兩旁之稱也

曲頰

註曲頰者頰之骨也曲如環形受頰車骨尾之鈎者也

頰車

註頰車者下牙床骨也總載諸齒能咀食物故名頰

車

人中

註人中者鼻柱之下脣之上穴名水溝

口

註口者司言食之竅也

脣

註脣者口端也

吻

註吻者口之四周也

頤

註頤者口角後頤之下也

頰

註 頰者口之下脣至末之處俗名下把殼也

頤

註 頤者頰下結喉上兩側肉之空軟處也

齒

註 齒者口斷所生之骨也俗名曰牙有門牙虎牙槽牙上下盡根牙之別

舌

註 舌者司味之竅也

舌本

註 舌本者舌之根也

頤顙

註 頤顙者口內之上二孔司分氣之竅也

懸雍垂

註 懸雍垂者張口視喉上似乳頭之小舌俗名確嘴

會厭

註 會厭者覆喉管之上竅似皮似膜發聲則開嚥食

則閉故為聲音之戶也

咽

註  
咽者飲食之路也居喉之後

喉

註  
喉者通聲息之路也居咽之前

喉嚨

註  
喉嚨者喉也肺之系也

嗑

註噎者咽也胃之系也

結喉

註結喉者喉之管頭也其人瘦者多外見頸前肥人則隱於肉內多不見也

胸膺

註胸者缺盆下腹之上有骨之處也膺者胸前兩旁高處也一名曰臆胸骨肉也俗名胸膺

骨骹



註 髑髏者胸之衆骨名也

乳

註 乳者膺上突起兩肉有頭婦人以乳兒者也

鳩尾

註 鳩尾者即蔽心骨也其質係脆骨在胸骨之下岐骨之間

膈

註 膈者胸下腹上之界內之膜也俗名羅膈

腹

註腹者膈之下曰腹俗名曰肚臍之下曰少腹亦名

小腹

臍

註臍者人之初生胞帶之處也

毛際

註毛際者小腹下橫骨間叢毛之際也下橫骨俗名

蓋骨

纂

註纂者橫骨之下兩股之前相合共結之凹也前後兩陰之間名下極穴又名屏翳穴會陰穴即男女陰氣之所也

舉丸

註舉丸者男子前陰兩丸也

上橫骨

註上橫骨在喉前宛宛中天突穴之外小灣橫骨旁

接拄骨之骨也

拄骨

註拄骨者膺上缺盆之外俗名顓子骨也內接橫骨  
外接肩解也

肩解

註肩解者肩端之骨節解處也

髑骨

註髑骨者肩端之骨也即肩胛骨頭臼之上棱骨也

其曰接臑骨上端俗曰肩頭其外曲卷翅骨肩後之稜骨也其下稜骨在背肉內

### 肩胛

註肩胛者即髀骨之末成片骨也亦名肩膊俗名鋏板子骨

### 臂

註臂者上身兩大支之通稱也一名曰肱俗名肱膊肱膊中節上下骨交接處名曰肘肘上之骨曰臑

骨肘下之骨曰臂骨臂骨有正輔二骨輔骨在上短細偏外正骨居下長大偏內俱下接腕骨也

腕

註腕者臂掌骨接交處以其宛屈故名也當外側之骨名曰高骨一名銳骨亦名踝骨

掌骨

註掌者手之衆指之本也掌之衆骨名壅骨合湊成掌非塊然一骨也

魚

註 魚者在掌外側之上隴起其形如魚故謂之魚也

手

註 手者上體所以持物也

手心

註 手心者即掌之中也

手背

註 手背者手之表也

指骨

註指者手指之骨也第一大指名巨指在外二節本  
節在掌第二名食指又名大指之次指三節在外  
本節在掌第三中指名將指三節在外本節在掌  
第四指名無名指又名小指之次指三節在外本  
節在掌第五指為小指三節在外本節在掌其節  
節交接處皆有碎骨筋膜聯絡

爪甲



註 爪甲者指之甲也足趾同

歧骨

註 歧骨者凡骨之兩叉者皆名歧骨手足同

臑

註 臑者肩髀下內側對腋處高起粟白肉也

腋

註 腋者肩之下脇之上際俗名肱腋窩

脇肋

註脇者腋下至肋骨盡處之統名也曰肋者脇之單條骨之謂也統脇肋之總又名曰肱

季脇

註季脇者脇之下小肋骨俗名軟肋

眇

註眇者脇下無肋骨空軟處也

腦後骨

註腦後骨者俗呼腦杓

枕骨

註枕骨者腦後骨之下隴起者是也其骨或棱或平或長或圓不一

完骨

註耳後之棱骨名曰完骨在枕骨下兩旁之棱骨也

頸項

註頸項者頸之莖也又曰頸者莖之側也項者莖之後也俗名脖子

頸骨

註 頸者頭之莖骨肩骨上際之骨俗名天柱骨也

項骨

註 項骨者頭後莖骨之上三節圓骨也

背

註 背者後身大椎以下腰以上之通稱也

脅

註 脅者夾脊骨兩旁肉也

脊骨

註 脊骨者脊贅骨也俗名脊樑骨

腰骨

註 腰骨者即脊骨十四椎下十五十六椎間尻上之骨也其形中凹上寬下窄方圓二三寸許兩旁四孔下接尻骨上際也

腫

註 腫者腰下兩旁髀骨上之肉也

臀

註 臀者胛下尻旁大肉也

尻骨

註 尻骨者腰骨下十七椎十八椎十九椎二十椎二十一椎五節之骨也上四節紋之旁左右各四孔骨形內凹如瓦長四五寸許上寬下窄末節更小如人參蘆形名尾閭一名骶端一名樞骨一名窮骨在肛門後其骨上外兩旁形如馬蹄附着兩髀

骨上端俗名髀骨

肛

註 肛者大腸下口也

下橫骨髀骨榍骨

註 下橫骨在少腹下其形如蓋故名蓋骨也其骨左右二大孔上兩分出向後之骨首如張扇下寸許附著於尻骨之上形如馬蹄之處名曰髀骨下兩分出向前之骨末如榍柱在於臀內名曰榍骨與

尻骨成鼎足之勢為坐之主骨也婦人俗名交骨  
其骨面名曰髀俠髀之曰名曰機又名髀樞外接  
股之髀骨也即環跳穴處此一骨五名也

# 股

註股者下身兩大支之通稱也俗名大腿小腿中節  
上下交接處名曰膝膝上之骨曰髀骨股之大骨  
也膝下之骨曰胫骨脛之大骨也

# 髀骨



註髀者膝上之大骨也上端如杵接於髀樞下端如鉗接於胫骨也

### 胫骨

註胫骨者俗名臙脛骨也其骨兩根在前者名成骨又名胛骨形粗膝外突出之骨也在後者名輔骨形細膝內側之小骨也

### 伏兔

註伏兔者髀骨前膝之上起肉似俯兔故曰伏兔

膝解

註膝解者膝之節解也

臑骨

註臑骨者膝上蓋骨也

連骸

註連骸者膝外側二高骨也

腓

註腓者膝後屈處俗名腿凹也

腓

註 腓者下腿肚也一名腓腸俗名小腿肚

踝骨

註 踝者胫骨之下足附之上兩旁突出之高骨在外為外踝在內為內踝也

足

註 足者下體所以趨走也俗名脚

跗骨

註跗者足背也一名足趺俗稱脚面跗骨者足趾本節之衆骨也

足心

註足心者即踵之中也

跟骨

註跟足後根之骨也

趾

註趾者足之指也其數五名為趾者別於手也居內

之大者名大趾第二趾名大趾之次趾第三趾名  
中趾第四名小趾之次趾第五居外之小者名小  
趾足之指節與手指節同其大趾之本節後內側  
圓骨形突者名核骨

### 三毛

註  
足大趾爪甲後為三毛毛後橫紋為聚毛

### 踵

註  
踵者足下面著於地之謂也俗名腳底板



正 面 骨 度 尺 寸 圖







骨度尺寸

頭部

項髮以下至背骨長二寸半

自後髮際以至大椎項骨三節處也

按頭部折法以前髮際至後髮際折為一尺二寸如髮際不明則取眉心直上後至大杼骨折作一尺八寸此為直寸橫寸法以眼內角至外角此為一寸頭部橫直寸法並依此○督脈神庭至太陽曲差穴曲差至少陽本神穴本神至陽明頭維穴各

開一寸半自天庭至頭維各開四寸半

胸腹部

結喉以下至缺盆中長四寸

此以巨骨上陷中而言即天突穴處

缺盆以下髑髀之中長九寸

胃圍四尺五寸

兩乳之間廣九寸半

當折八寸為當

髑髀中下至天樞長八寸

天樞足陽明穴名在臍旁此指平臍而言

天樞以下至橫骨長六寸半橫骨橫長六寸半

毛際下骨曰橫

骨

按此古數也以今用上下穴法參較多有未合宜從

後胃腹折法為當

兩髀之間廣六寸半

此當兩股之中橫骨  
兩頭之處俗名髀縫

按胃腹折法直寸以中行為之自缺盆中天突穴起

至歧骨際上中庭穴止折作八寸四分自髑髏上

歧骨際下至臍心折作八寸臍心下至毛際曲骨

穴折作五寸橫寸以兩乳相去折作八寸胃腹橫

直寸法并依此

背部

脅骨以下至尾骶二十一節長三尺

脅骨脊骨也脊骨外小而內巨人之

所以能負任者以是骨之巨也脊骨二十四節今云二十一節者除項骨三節不在內尾骶骨男子

者尖女人者平

腰圍四尺二寸

按背部折法自大椎至尾骶通折三尺上七節各長

一寸四分一釐共九寸八分七釐中七節各一寸

六分一釐共一尺一寸二分七釐第十四節與臍  
平下七節各一寸二分六釐共八寸八分二釐共  
二尺九寸九分六釐不足四釐者有零未盡也直  
寸依此橫寸用中指同身寸法○脊骨內濶一寸  
凡云第二行俠脊一寸半三行俠脊三寸者皆除  
脊一寸外淨以寸半三寸論故在二行當為二寸  
在三行當為三寸半也

側部

自柱背下行腋中不見者長四寸

柱骨頸項根骨也

腋以下至季脇長一尺二寸

季脇小肋也

季脇以下至髀樞長六寸

大腿曰股股上曰髀髀骨之下大腿之上兩骨合縫之所

曰髀樞當足少陽環跳穴處也

髀樞下至膝中長一尺九寸

橫骨上廉下至內輔之上廉長一尺八寸

骨際曰廉膝旁之骨突出

者曰輔骨內曰內輔外曰外輔

內輔之上廉以下至下廉長三寸半

上廉下廉可摸而得

內輔下廉下至內踝長一尺二寸

內踝以下至地長三寸

四肢部

肩至肘長一尺七寸

肘至腕長一尺二寸半

臂之中節曰肘

腕至中指本節長四寸

臂掌之交曰腕

本節至末長四寸半

指之後節曰本節

膝以下至外踝長一尺六寸

膝腠以下至跗屬長一尺二寸

腠腿灣也跗足面也膝在前跗在後跗屬者凡

兩踝前後脛掌所交之處皆為跗之屬也

跗屬以下至地長三寸

外踝以下至地長一寸

足長一尺二寸廣四寸半

按骨度乃靈樞經骨度篇文所論之長短皆古數也


然骨之大者太過小者不及此亦但言其則耳至於周身手足折量之法當用前中指同身寸法為



是



次子可車人E書



頭部頂中

中行凡一穴

百會

屬督脈

頭部前

中行凡四穴

神庭

上星

顙會

前頂

俱屬督脈

兩旁第二行左右凡八穴

曲差

五處

承光

通天

俱足太陽穴

兩旁第三行左右凡六穴

臨泣

目窻

正營

俱足少陽穴

正面部

中行凡五穴

素膠

水溝

兌端

斷交

俱督脈穴

承漿

任脈穴

兩旁第二行左右凡十穴

攢竹

睛明

俱足太陽穴

迎香

禾膠

俱手陽明穴

巨膠

足陽明穴

兩旁第三行左右凡十六穴

陽白

足少陽穴承泣

四白

地倉

大迎

俱足陽明穴

兩旁第四行左右凡八穴

本神

童子膠

俱足少陽穴

絲竹空

手少陽穴

頸部

中行凡二穴

廉泉

天突

俱屬  
任錫

--	--	--	--	--	--	--	--	--





胸部

中行凡七穴

天突

璇璣

華蓋

紫宮

玉堂

膺中

中庭

俱任  
脈

兩旁第二行左右凡十二穴

去中行任  
脈二寸

俞府

或中

神藏

靈墟

神封

步廊

俱足  
少陰

兩旁第三行左右凡十二穴

自氣戶夾俞府旁  
二寸去中行四寸

氣戶

庫房

屋翳

膺窻

乳中

乳根

俱足  
陽明

兩旁第四行左右凡十二穴

自雲門夾氣戶旁  
二寸至中行六寸

雲門

中府

俱手  
太陰

周榮

胸鄉

天谿

食竇

俱足  
太陰

腹部

中行凡十五穴

鳩尾

巨闕

上脘

中脘

建里

下脘

水分

神闕

陰交

氣海

石門

關元

中極

曲骨

會陰

俱任脈

兩旁第二行左右凡二十二穴

自幽門夾巨闕兩旁各半寸指銜鯁下行

至橫骨

幽門

通谷

陰都

石闕

商曲

育俞

中柱

四滿

氣穴

大赫

橫骨

俱足少陰

兩旁第三行左右凡二十六穴

自不容夾幽門兩旁各一寸五分去中行

二寸

不容

承滿

梁門

闕門

太乙

滑肉門

天樞

外陵

大巨

水道

歸來

氣衝

俱足陽明

急脈

足厥陰穴夾氣衝旁各半寸去中行二寸半

兩旁第四行左右凡十四穴

自期門上直兩乳夾不容旁各一寸五分去中

行三寸半

期門

足厥陰

日月

足少陽

腹哀

大橫


腹結

府舍

衝門

俱足太陰

# 後頭項穴總圖



頭部後

中行凡五穴

後頂

強間

腦戶

風府

瘰癧門

俱屬督脈

兩旁第二行左右凡六穴

絡却

玉枕

天柱

俱足太陽穴

兩旁第三行左右凡六穴

承靈

腦空

風池

俱足少陽穴



兩旁第四行左右凡四穴

完骨


足少陽穴

天牖

手少陽穴



# 背穴總圖



背部

中行凡十四穴

大椎

陶道

身柱

神道

靈臺

至陽

筋縮

中樞

脊中

懸樞

命門

陽關

腰俞

長強

俱督脈

兩旁第二行左右凡十四穴

大杼

風門

肺俞

厥陰俞

心俞

膈俞

肝俞

膽俞

脾俞

胃俞

三焦俞

腎俞

大腸俞

小腸俞

膀胱俞

中膂俞

白環俞

上俱夾脊去中行二寸

上膠

次膠

中膠

下膠

上俱夾脊骨兩旁十七十八十九二十椎空中

會陽

夾尻骨兩旁上俱足太陽穴

兩旁第三行左右凡二十八穴

去脊中行三寸五分

附分

臑戶

膏肓俞

神堂

諛語

膈關

魂門

陽綱

意舍

胃倉

育門


志室

胞育

秩邊

俱足  
太陽

圖總穴肩項面頭側



側頭部

左右凡二十八穴

頭維

足陽明穴

額厭

懸顱

懸釐

曲鬢

率谷

天衝

浮白

竅陰

俱足少陽穴

角孫

顱息

瘃鰓

翳風

絲竹

俱手少陽穴

側面部

左右凡十四穴



客主人

聽會

俱足少陽

和髎

耳門

俱手少陽

聽宮

手太陽

下關

頰車

俱足陽明穴

側項部

左右凡十四穴

人迎

嬰筋之前

水突

氣舍

俱足陽明穴

扶突

嬰筋之後

天鼎

俱手陽明

天窻

扶突後

天容

俱手太陽穴

肩膊部

左右凡十二穴

巨骨

肩髃

臂臑

俱手陽明

肩井

足少陽穴

肩髃

臑會

俱手少陽穴



側腋脇肋部

左右凡二十六

淵液

輒筋

俱足少陽

天池

手厥陰

大包

足太陽

章門

足厥陰

京門

帶脈

五樞

維道

居膠

俱足少陽

附兩手奇俞穴

左右凡六穴


拳尖

在中指本節前骨尖上握拳取之

五虎一在手食指背間一在無名指背間皆在  
次節三節相接骨尖上各一穴握拳取之



# 手三陰經總穴圖



手三陰經總穴名

手太陰肺經行臂內凡九穴左右同

起手大指端行三陰之上

少商

魚際

太淵

經渠

列缺

孔最

尺澤

俠白

天府

手厥陰心包絡經行臂內凡八穴左右同

起手中指端行三陰

中之

中衝

勞宮

大陵

內關



間使

郗門

曲澤

天泉

手少陰心經行臂內凡九穴左右同

起手小指內側端行三陰之下

少衝

少府

神門

陰郗

通里

靈道


少海

青靈

極泉



# 手三陽經總穴圖



手三陽經總穴名

手陽明大腸經行臂外凡十四穴左右同

起手食指端行三陽

上之

商陽

二間

三間

合谷

陽谿

偏歷

溫溜

下廉

上廉

三里

曲池

肘髎

五里

臂臑

手少陽三焦經行臂外凡十二穴左右同

起手無名指端行三

陽之中

關衝

液門

中渚

陽池

外關

支溝

會宗

三陽絡

四瀆

天井

清冷淵

消灤

手太陽小腸經行臂外凡八穴左右同

起手小指外側端行三陽

下之

少澤

前谷

後谿

腕骨

陽谷


養老

支正

小海



# 足三陰經總六圖



足三陰經總穴名

足厥陰肝經行足股內凡十一穴左右同

起足大指端行三陰

之前

大敦

行間

太衝

中封

蠡溝

中都

膝關

曲泉

陰包

五里

陰廉

足太陰脾經行足股內凡十一穴左右同

起足大指內側端行

三陰之中



隱白

大都

太白

公孫

商邱

三陰交

漏谷

地機

陰陵泉

血海

箕門

足少陰腎經行足股內凡十六穴左右同

起足心行三陰之後

湧泉

然谷

太谿

大鍾

照海

水泉

復溜

交信

築賓

陰谷




# 足三陽經總穴圖

大定回軍

御集醫宗金鑑

甲七



足三陽經總穴名

足陽明胃經行足股外凡十五穴左右同

起足三指端行三陽

之前

厲兌

內庭

陷谷

衝陽

解谿

豐隆

下巨虛

條口

上巨虛

三里

犢鼻

梁邱

陰市

伏兔

髀關

足少陽膽經行足股外凡十五穴左右同

起足四指端行三陽

中之

竅陰

俠谿

地五會

臨泣

邱墟

懸鍾

陽輔

光明

外邱

陽交

陽陵泉

陽關

中瀆

環跳

風市

足太陽膀胱經行足股後凡十九穴左右同

起足小指外側

端行三陽之後

至陰

通谷

束骨

京骨

京門

申脉

僕參

崑崙

附陽

飛陽

承山

承筋

合陽

委中

委陽

浮郤

殷門

承扶

會陽



御纂醫宗金鑑卷八十

# 欽定四庫全書

子部

御纂醫宗金鑑卷八十一  
二

詳校官太醫院醫士<sub>臣</sub>程泰

編修<sub>臣</sub>倉聖脈覆勘

總校官中書<sub>臣</sub>朱鈐

校對官主事<sub>臣</sub>張培

謄錄監生<sub>臣</sub>阮鍾璟

繪圖監生<sub>臣</sub>戴禹汲

欽定四庫全書

御纂醫宗金鑑卷八十一

編輯刺灸心法要訣目錄

手太陰肺藏圖

肺藏經文

肺經循行圖

肺經循行經文

肺經循行歌



肺經穴圖

肺經穴歌

肺經分寸歌

手陽明大腸府圖

大腸經文

大腸經循行圖

大腸經循行經文

大腸經循行歌

大腸經穴圖

大腸經穴歌

大腸經分寸歌

足陽明胃府圖

胃府經文

胃經循行圖

胃經循行經文

胃經循行歌

胃經穴圖

胃經穴歌

胃經分寸歌

足太陰脾藏圖

脾藏經文

脾經循行圖

脾經循行經文

脾經循行歌

脾經穴圖

脾經穴歌

脾經分寸歌


御纂醫宗金鑑卷八十一目錄

欽定四庫全書

御纂醫宗金鑑卷八十一

編輯刺灸心法要訣

手太陰肺藏圖



肺臟經文

經曰肺者相傳之官治節出焉其形四垂附著於脊之第三椎中有二十四空行列分布以行諸藏之氣為藏之長為心之蓋又云是經常多氣少血

難經曰肺重三觔三兩六葉兩耳凡八葉主藏魄

中藏經曰肺者生氣之原乃五藏之華蓋

張介賓曰肺葉白瑩謂為華蓋以覆諸藏虛如蜂巢下無透竅吸之則滿呼之則虛一呼一吸消息自然司清

濁之運化為人身之橐籥





# 肺經循行圖



肺經循行經文

肺手太陰之脈起於中焦下絡大腸還循胃口上膈屬肺從肺系橫出腋下下循臑內行少陰心主之前下肘中循臂內上骨下廉入寸口上魚循魚際出大指之端其支者從腕後直出次指內廉出其端

肺經循行歌

手太陰肺中焦生絡腸循胃散流行上膈屬肺從肺系橫出腋下臑肘中循臂寸口上魚際大指內側爪端通

支絡還從腕後出接次指屬陽明經

註手太陰肺經之脈起於中焦者言起於任脈中腕  
穴也下絡大腸還循胃口者謂本經之絡散布流  
行下則絡於大腸還上而循胃口非上膈屬肺直  
行之經也夫經絡流行循環無端故手太陰之脈  
必自足厥陰經之支者期門穴循行中腕穴上膈  
屬肺以交於手太陰肺經也從肺系橫出腋下至  
於中府雲門穴下循於膈內天府俠白穴從俠白

行少陰心主經脈之前下行肘中尺澤穴從尺澤  
循臂內上骨下廉孔最穴從孔最入寸口列缺經  
渠太淵穴從太淵上魚口入魚際穴從魚際出大  
指之端少商穴而終焉其支者從腕後直出循行  
次指內廉出其端以交於手陽明大腸經也

# 肺經穴圖



肺經穴歌

手太陰肺十一穴中府雲門天府列次則俠白下尺澤  
又次孔最與列缺經渠太淵下魚際抵指少商如韭葉  
肺經分寸歌

太陰中府三肋間上行雲門寸六許雲在任璣旁六寸  
大腸巨骨下二骨天府腋三動鯁求俠白肘上五寸主  
尺澤肘中約紋是孔最腕上七寸擬列缺腕上一寸半  
經渠寸口陷中取大淵掌後橫紋頭魚際節後散鯁裏

少商大指端內側鼻衄刺之立時止

註中府在任脈中行華蓋穴旁直開去六寸乳上三

肋間陷中動鯁應手仰而取之是其穴也○上直  
行一寸六分在手陽明大腸經巨骨之下陷中動  
鯁應手舉臂取之雲門穴也○從雲門穴下循膈  
內腋下三寸動鯁陷中以鼻尖點墨取之天府穴  
也○從天府穴下行肘中約紋上去五寸動鯁中  
俠白穴也○從俠白穴下行肘中約紋上屈肘橫




紋筋骨罅中動脈應手尺澤穴也○從尺澤穴下行腕前約紋上七寸上骨下骨間陷中孔最穴也○從孔最穴循外側行腕後側上一寸五分以兩手交叉當食指末筋骨罅中列缺穴也○從列缺穴循行寸口陷中經渠穴也○從經渠穴內循手掌後陷中太淵穴也○從太淵穴上魚手大指本節後內側陷中散脈中白肉際魚際穴也○從魚際穴循行手大指內側之端去爪甲角如韭葉許

白肉際少商穴也



# 手陽明大腸府圖

大腸上口即  
小腸下口



大腸下接  
直腸直腸  
下為肛門  
穀道即後  
陰

大腸經文

經云大腸者傳道之官變化出焉又云迴腸當臍左迴十六曲大四寸徑一寸寸之少半長二丈一尺受穀一斗水七升半又云廣腸附脊以受迴腸乃出滓穢之路大八寸徑二寸寸之大半長二尺八寸受穀九升三合八分合之一是經多氣少血

難經曰大腸重二觔十二兩肛門重十二兩

張介賓曰按迴腸者以其迴疊也廣腸者即迴腸之更

大者直腸者又廣腸之末節下連肛門也



# 大腸經循行圖





大腸經循行經文

大腸手陽明之脈起於大指次指之端循指上廉出合谷兩骨之間上入兩筋之中循臂上廉入肘外廉上臑外前廉上肩出髃骨之前廉上出於柱骨之上會下入缺盆絡肺下膈屬大腸其支者從缺盆上頸貫頰入下齒中還出挾口交人中左之右右之左上挾鼻孔

大腸經循行歌

陽明之脈手大腸次指內側起商陽循指上廉出合谷

歧骨兩筋循臂肘入肘外廉循臑外肩端前廉拄骨旁  
從肩下入缺盆內絡肺下膈屬大腸支從缺盆直上頸  
斜貫頰前下齒當環出人中交左右上俠鼻孔注迎香

註手陽明大腸經之脈起於大指次指內廉之端出


於大指者謂出於大指少商穴也本經之絡其支  
者直出於次指之端以交於手陽明大腸經之商  
陽穴故曰起於大指次指之端也從商陽穴循食  
指上廉二間三間穴也從三間穴循出兩骨之間

合谷穴也從合谷上兩筋之間陽谿穴也從陽谿  
穴循臂上廉至偏歷溫溜下廉上廉三里穴也從  
三里穴入肘外廉曲池穴也從曲池穴上臑外前  
廉肘髻五里臂臑穴也從臂臑穴上肩肩髃穴也  
從肩髃穴出髃骨之前廉巨骨穴也從巨骨穴上  
出於柱骨之會上言會於督脈之大椎穴也自督  
脈大椎穴入交足陽明胃經之缺盆穴絡肺下膈  
屬大腸者謂其支從缺盆上頸復循本經之天鼎

穴貫頰至扶突穴也從扶突穴入下齒中禾髎穴  
從禾髎穴還出挾口交人中左之右右之左上挾  
鼻孔迎香穴而終以交於足陽明胃經也



# 大腸經穴圖



大腸經穴歌

手陽明穴起商陽二間三間合谷藏陽谿偏歷歷溫溜  
下廉上廉三里長曲池肘髃迎五里臂臑肩髃巨骨起  
天鼎扶突接禾髃終以迎香二十止

大腸經分寸歌

商陽食指內側邊二間來尋本節前三間節後陷中取  
合谷虎口歧骨間陽谿上側腕中是偏歷腕後三寸安  
溫溜腕後去五寸池前五寸下廉看池前三寸上廉中

池前二寸三里逢曲池曲肘紋頭盡肘膠上臑外廉近  
大筋中央尋五里肘上三寸行向裏臂臑肘上七寸量  
肩髃肩端舉臂取巨骨肩尖端上行天鼎喉旁四寸真  
扶突天突旁三寸禾膠水溝旁五分迎香禾膠上一寸  
大腸經穴自分明

註  
商陽穴在手食指內側端後去爪甲角如韭葉許  
是其穴也○從商陽穴循食指上廉本節前內側  
陷中二間穴也○從二間穴循食指本節後內側




陷中三間穴也○從三間穴循行手大指次指岐  
骨間陷中合谷穴也○從合谷穴循行手腕中上  
側兩筋間陷中張大指次指取之陽谿穴也○從  
陽谿穴上行手腕後上側三寸偏歷穴也○從偏  
歷穴上行三寸溫溜穴也○從溫溜穴上行二寸  
五分輔銳肉分下廉穴也○從下廉穴上行一寸  
上廉穴也○從上廉穴上行一寸銳肉之端按之  
肉起手三里穴也○從手三里穴上二寸以手拱

胸屈肘橫紋頭陷中取之曲池穴也○從曲池穴  
上行大骨外廉陷中肘髁穴也○從肘髁穴循行  
肘上三寸向裏大脈中央五里穴也○從五里穴  
上行四寸兩筋兩骨罅宛宛陷中伸臂平手取之  
臂臑穴也○從臂臑穴上行髀骨頭肩端上兩骨  
罅陷處宛宛中舉臂取之有空肩髃穴也○從肩  
髃穴上行臂端兩叉骨間陷中巨骨穴也○從巨  
骨穴循頸缺盆上直行扶突下一寸天鼎穴也○

從天鼎穴上直行曲頰下一寸入迎後一寸五分  
仰而取之扶突穴也○從扶突穴貫頰直鼻孔下  
水溝旁五分禾膠穴也○從禾膠穴上一寸鼻孔  
旁五分迎香穴也

# 足陽明胃府圖



胃府經文

經云脾胃者倉廩之官五味出焉○又云胃者水穀氣血之海也○又云胃大一尺五寸徑五寸長二尺六寸橫屈受水穀三斗五升其中之穀常留二斗水一斗五升而滿○又云是經多氣少血

難經曰胃重三觔一兩

張介賓曰胃之上口名曰賁門飲食之精氣從此上輸於脾肺宣布於諸脈胃之下口即小腸上口名曰幽門



胃經循行經文

胃足陽明之脉起於鼻之交頤中旁約太陽之脉下循鼻外入上齒中還出俠口環脣下交承漿却循頤後下廉出大迎循頰車上耳前過客主人循髮際至額顙其支者從大迎前下入迎循喉嚨入缺盆下膈屬胃絡脾其直者從缺盆下乳內廉下挾臍入氣街中其支者起於胃下口循腹裏下至氣街中而合以下髀關抵伏兔下膝膕中下循脛外廉下足跗入中指外間其支者下

廉穴三寸而別入中指外間其支者別跗上入大指間  
出其端

胃經循行歌

胃足陽明交鼻起下循鼻外入上齒還出俠口繞承漿  
頤後大迎頰車裏耳前髮際至額顙支下入迎缺盆底  
下膈入胃絡脾宮直者缺盆下乳內一支幽門循腹中  
下行直合氣街逢遂由髀關抵膝臑胫足指內間同  
一支下膝注三里前出中指外間通一支別走足跗指



大指之端經盡已

註足陽明胃經之脈起於鼻者是謂由迎香穴上交  
頰中兩旁約過足太陽脈之睛明穴分下循鼻外  
始交於足陽明之承泣四白巨髃穴也從巨髃入  
上齒中還出俠口之地倉穴還繞脣下交會任脈  
之承漿穴却循頤後下廉復交本經之大迎穴由  
大迎出循頰車穴上行耳前過客主人穴合少陽  
經循髮際至額顙兩旁之懸顙穴額厭穴復交足


陽明之頭維穴下關穴其支者行大迎穴從大迎  
前循入迎水突穴氣舍穴循喉嚨入缺盆穴下膈  
屬胃絡脾散布藏府其直者從缺盆穴直行氣戶  
庫房屋翳膺窗乳中乳根等穴下乳內廉不容穴  
也從不容循承滿梁門闕門太乙滑肉門等穴下  
俠臍天樞穴也從天樞外陵大巨水道歸來等穴  
入氣街中氣衝穴也其支者起於胃口是謂前之  
屬胃絡脾之支下循腹裏下至氣街中而合氣街

穴會衝脈上行者也其下行本經者髀關穴也抵  
伏兔至伏兔穴下從伏兔行陰市穴梁丘穴下膝  
臑中犢鼻穴循足三里上巨虛條口下巨虛等穴  
下循脛外廉豐隆穴也從豐隆循解谿穴下足跗  
衝陽穴也從衝陽行陷谷穴內庭穴入次指外間  
也其本支別支一自下巨虛穴下入次指外間一  
別循跗上入大指次指間厲兌穴出其端交於足  
太陰脾經也

按足陽明是足大指之次指不是中指必傳寫之誤



# 胃經穴圖



胃經穴歌

四十五穴足陽明承泣四白巨膠經地倉大迎登頰車  
下關頭維對人迎水突氣舍連缺盆氣戶庫房屋翳尋  
膺憲乳中下乳根不容承滿出梁門關門太乙滑肉起  
天樞外陵大巨裏水道歸來達氣街髀關伏兔走陰市  
梁丘犢鼻足三里上巨虛連條口底下巨虛下有豐隆  
解谿衝陽陷谷同內庭厲兌陽明穴大指次指之端終  
胃經分寸歌

胃之經兮足陽明承泣目下七分尋再下三分名四白  
巨膠鼻孔旁八分地倉俠吻四分近大迎頷下寸三中  
頰車耳下八分陷下關耳前動脈行頭維神庭旁四五  
人迎喉旁寸五真水突筋前人迎下氣舍喉下一寸乘  
缺盆舍下橫骨陷氣戶下行一寸明庫房下行一寸六  
屋翳膺窻乳中根不容巨闕旁二寸一寸承滿與梁門  
關門太乙滑肉門天樞臍旁二寸尋樞下一寸外陵穴  
陵下一寸大巨陳巨下三寸水道穴水下二寸歸來存



氣街歸來下一寸共去中行二寸勻髀關膝上尺二許  
伏兔髀下六寸是陰市伏兔下三寸梁邱市下一寸記  
犢鼻膝臑陷中取膝眼三寸下三里里下三寸上廉穴  
廉下二寸條口舉再下二寸下廉穴復上外踝上八寸  
却是豐隆穴當記解谿則從豐隆下內循足腕上陷中  
衝陽解下高骨動陷谷衝下二寸名內庭次指外歧骨  
厲兌大次指端中

註  
承泣穴在目下七分目下胞陷中上直瞳子正視

取之是其穴也○從承泣直下三分顴空骨內亦  
直瞳子取之四白穴也○從四白下行俠鼻孔旁  
八分亦直瞳子取之巨膠穴也○從巨膠下行俠  
口吻旁四分外許近下微有動脈地倉穴也○從  
地倉行顴額下前一寸三分骨陷中動脈大迎穴  
也○從大迎行耳下曲頰端近前八分陷中側臥  
開口取之頰車穴也○從頰車上行耳前動脈側  
臥合口有空取之下關穴也○從下關上行額角

入髮際以督脈中行神庭穴旁開四寸半頭維穴也○從頭維下行頸下俠結喉旁一寸五分大動脈應手伸頭取之人迎穴也○從人迎下直行頸大筋前內貼氣喉水突穴也○從水突下直行頸大筋前結喉下一寸許陷中貼骨尖上有缺處氣舍穴也○從氣舍下行肩上一寸旁開中缺盆穴也○從缺盆下行巨骨下一寸旁開中行四寸陷中仰而取之氣戶穴也○從氣戶下行一寸六分亦

旁開中行四寸陷中仰而取之庫房穴也○從庫房下行一寸六分亦旁開中行四寸陷中仰而取之屋翳穴也○從屋翳下行一寸六分亦旁開中行四寸陷中仰而取之膺窻穴也○從膺窻下行當乳頭之中乳中穴也○從乳中下行一寸六分亦旁開中行四寸陷中仰而取之乳根穴也○從乳根行在第四肋端旁開中行二寸不容穴也○從不容穴下一寸亦旁開中行二寸承滿穴也○

從承滿下一寸亦旁開中行二寸梁門穴也○從  
梁門下一寸亦旁開中行二寸闕門穴也○從闕  
門下一寸亦旁開中行二寸太乙穴也○從太乙  
下一寸亦旁開中行二寸滑肉門穴也○從滑肉  
門下一寸俠臍旁二寸許陷中天樞穴也○從天  
樞下一寸亦旁開中行二寸外陵穴也○從外陵  
下一寸亦旁開中行二寸大巨穴也○從大巨下  
三寸亦旁開中行二寸即水道穴也○從水道下

二寸亦旁開中行二寸即歸來穴也○從歸來下行在腿班中有肉核名曰鼠谿直上一寸動脈應手亦旁開中行二寸氣街穴也○從氣街下行膝上一尺二寸許中行左右各三指按捺上有肉起如伏兔之狀故名伏兔在此肉起後交紋中髀關穴也○從髀關下行膝上六寸起肉間正跪坐而取之伏兔穴也○從伏兔下行三寸在伏兔之下陷中拜揖而取之陰市穴也○從陰市下行一寸

兩筋間梁邱穴也○從梁邱下行過膝蓋骨下胫骨上陷中俗名膝眼此處陷中兩旁有空狀如牛鼻在外側者犢鼻穴也○從犢鼻下行髌骨外側大筋內宛宛中足三里穴也犢鼻即膝眼處也○從足三里下行三寸兩筋骨陷中舉足取之上巨虛穴也○從上巨虛下行二寸舉足取之條口穴也○從條口下行一寸兩筋骨陷中蹲地舉足取之下巨虛穴也○從下巨虛復斜向後上行在足

外踝上八寸髌骨外廉陷中豐隆穴也○從豐隆  
內循下足腕上中行陷中解谿穴也○從解谿下  
行足跗上即脚面也高骨間動脈衝陽穴也○從  
衝陽下行二寸至足大指之次指本節後陷中陷  
谷穴也○從陷谷下至足大指之次指本節前歧  
骨外間陷中內庭穴也從內庭下行足大指之次  
指之端去爪角如韭葉許厲兌穴也



--	--	--	--	--	--	--	--

足太陰脾臟圖




脾藏經文

經云脾胃者倉廩之官五味出焉○又云諫議之官知  
周出焉○又云形如刀鐮與胃同膜而附其上之左俞  
當十一椎下聞聲則動動則磨胃而主運化其合肉也  
其榮脣也開竅於口又云是經常多氣少血

難經曰脾重二觔三兩廣扁三寸長五寸有散膏半觔  
主裏血溫五藏主藏意與智

中藏經曰脾主消磨五穀養於四旁

# 脾經循行圖



脾經循行經文

脾足太陰之脈起於大指之端循指內側白肉際過核  
骨後上內踝前廉上膈內循脛骨後交出厥陰之前上  
膝股內前廉入腹屬脾絡胃上膈挾咽連舌本散舌下  
其支者復從胃別上膈注心中

脾經循行歌


太陰脾起足大指上循內側白肉際核骨之後內踝前  
上膈循脛經膝裏股內前廉入腹中屬脾絡胃與膈通

俠喉連舌散舌下支絡從胃注心中

註足太陰脾經之脈起於足大指之端隱白穴也從  
隱白循指內側白肉際大都穴也從大都過核骨  
後太白穴也從太白循公孫穴商邱穴上內踝前  
廉三陰交穴也從三陰交上膈內循脛骨後漏谷  
穴也從漏谷交出厥陰之前地機穴陰陵泉穴也  
從陰陵泉上膝股內前廉血海穴箕門穴沖門穴  
也從沖門入腹屬脾絡胃循行府舍腹結大橫腹

哀食竇天谿胸鄉周榮大包等穴而上行咽喉俠  
咽連舌本散舌下也其支者從胃之絡別行上膈  
注心中以交於手少陰心經也

# 脾經穴圖





脾經穴歌

足太陰脾由足拇隱白先從內側起大都太白繼公孫  
商邱直上三陰塢漏谷地機陰陵泉血海箕門衝門前  
府舍腹結大橫上腹哀食竇天谿連胸鄉周榮大包盡  
二十一穴太陰全

脾經分寸歌

大指端內側隱白節後陷中求大都太白內側核骨下  
節後一寸公孫呼商邱內踝微前陷踝上三寸三陰交

再上三寸漏谷是踝上五寸地機朝膝下內側陰陵泉  
血海膝臚上內廉箕門穴在魚腹上動脈應手越筋間  
衝門橫骨兩端動府舍上行七分看腹結上行三寸入  
大橫上行一寸三腹哀上行三寸半食竇上行三寸間  
天谿上行一寸六胸鄉周榮亦同然外斜腋下一寸許  
大包九肋季脇端

註 隱白穴在足大指內側端後去爪甲角如韭葉許  
是其穴也○從隱白行足大指內側次節末骨縫

赤白肉際陷中大都穴也○從大都行足大指後  
內側內踝前核骨下赤白肉際陷中太白穴也○

從太白上行足大指本節後一寸內踝前陷中公  
孫穴也○從公孫上行內踝下微前陷中商邱穴  
也○從商邱上行內踝踝尖上三寸夾骨陷中三  
陰交穴也○從三陰交上行三寸夾骨陷中漏谷  
穴也○從漏谷上行五寸在膝下五寸內側夾骨  
陷中伸足取之地機穴也○從地機上行膝下內

側曲膝橫紋頭陷中陰陵泉穴也○從陰陵泉上行在膝臑上一寸內廉白肉際陷中血海穴也○從血海上行在魚腹上越兩筋間陰股內廉動脈應手不禁重按箕門穴也○從箕門上行橫骨兩端約紋中動脈去腹中行旁開三寸半衝門穴也○從衝門上行七分去腹中行亦旁開三寸半府舍穴也○從府舍上行三寸去腹中行亦旁開三寸半腹結穴也○從腹結上行一寸三分去腹中

行亦旁開三寸半大橫穴也○從大橫上行三寸  
半去腹中行亦旁開三寸半腹哀穴也○從腹哀  
上行三寸或從乳上三肋間動脈應手處往下六  
寸四分去胸中行旁開六寸舉臂取之食竇穴也  
○從食竇上行一寸六分去胸中行旁開六寸仰  
而取之天谿穴也○從天谿上行一寸六分去胸  
中行亦旁開六寸仰而取之胸鄉穴也○從胸鄉  
上行一寸六分去胸中行亦旁開六寸仰而取之